



Dili ; 11 Agostu 2014

Komunikadu ba Imprensa

PDHJ simu kesar hamutuk 146 kona-ba violasaun direitus humanus no mal-administrasaun

Dili: Josefa Soares de Jesus da Silva, Xefi Departamentu Keixas no Reklamasan iha Diresaun Nasional Asistencia Pública hateten hahu husi fulan Janeiru to'o Juñu 2014 2014, PDHJ liu husi Direccão Assistênsia Pública (DAP) simu keixas hamutuk 146 keixas. Husi 146 keixas ne'e, keixa kona-ba Violasaun Direitus Humanus hamutuk 67 keixas no keixas kona-ba abuzo de poder no mal administrasaun hamutuk 79 keixas. Husi 146 keixas ne'ebe PDHJ simu, keixas ne'ebe liu ona husi prosesu Avaliasaun Preliminariu hamutuk 125 keixas.

Josefa hatutan husi 125 keixas ne'e hetan ona desizaun husi Komite Jestaun Keixas (KJK) hodi loke Investigasaun ba kazu 45, kazu loke no Refere 20 no kazu 2 maka halo prosesu Mediasaun no Konsiliaaun. Aleim de desizaun KJK loke ba Investigasaun no Loke Refere, iha mos keixa ne'ebe taka hamutuk 10 no taka- haruka 48 keixas.

Kona-ba kazu Loke-refere Josefa dehan, PDHJ haruka ba Instituisaun sira mak hanesan ba Ministerio Agricultura e Pescas (MAP), Ministerio Obras Publicas (MOP), Komisaun Funsan Publika (KFP), Komando Geral PNTL Departamentu Justiça da PNTL, Komando PNTL Distrito Oe-cusse, Komandao PNTL Distrito Bobonaro, Komando PNTL Distrito Lautem, Ministerio Publiku Suai, Ministerio Publiku Baucau. Husi karta Loke-refere ne'ebe PDHJ haruka ona, PDHJ liu husi Departamentu Keixas simu ona implementasaun ba karta Loke-refere ida husi Komando PNTL Distrito Oe-cusse, ne'ebe fo hatene mai iha PDHJ katak sira prosesa ona kazu ne'ebe maka PDHJ refere ba sira, no kazu refere oras ne'e Komando haruka ona ba Ministerio Publiku Distrito Oe-cusse.

Entretantu Dr. Rui Pereira dos Santos, Adjuntu Provedor ba area boa-governasaun hateten, hahu iha fulan Janeiru to'o fulan Juñu 2014, PDHJ hasai ona relatoriu final Investigasaun hamutuk 26 kazu. Numeru kazu rekomendasan, ne'ebe hasai husi Diresaun Nasional Boa Governasaun hamutuk kazu 15. Enkuantu kazu ne'ebé rekomena husi Diresaun Nasional Direitus Humanus hamutuk 11 kazu.

Dr. Rui hatutan tuir Lei Número 7/2004 Estatu PDHJ iha Artigu 3 pontu 1 kona-ba ambitu atuaun PDHJ nian ba atividade sira entidades públikus nian hanesan Governo, Polisia Nasional Timor-Leste (PNTL), Servisu Prizaun nian no mos F-FDTL.

Bazeia ba artigu 27 Lei Inan Timor-Leste nian, ne'ebe preve ona konaba ezistencia Provedoria dos Direitos Humanos e Justiça (PDHJ) núdar órgaun independente ne'ebe iha kna'ar atu hare no buka hatan ba sidadaun sira nia problema ne'ebe sakar poder públiku sira no atu hare lolos hahalok sira, ne'ebé tuir lei no halo prevensaun no hahú prosesu tomak hodi haburas fali justisa, no nia mós sei iha kompeténsia atu hare kazu konkritu sira, biar laiha kbi'it atu hakotu lia nian, maibé, nia bele ható'o lia menon ba órgaun competente sira.

Presiza Informasaun Kontaktu Lady Ximenes ho No. Telemovel 7730 4260

ou Jóse Tefa 7735 1412 ou 3331071.